



KO TE

# KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, HEPETEMA 29, 1910.

*Whakawhiwhi Mana ki te Kooti Whenua Maori.*

ISLINGTON, Kawana.

OTA A TE KAUNIHERA.

I te Whare o te Kawana, Poneke, i tenei te rua tekau ma whitu o nga ra o Hepetema, 1910.

Tu ana i reira:

KO HIS EXCELLENCY TE KAWANA I ROTO I TONO KAUNIHERA.

**N**OTEMEA kua meinga hei ture e tekiona kotahi rau ma toru o te Ture Whenua Maori, 1909, kua te Kooti Whenua Maori e whakahaere mo te taha ki tetahi whenua i nga mana kua whakawhiwhia atu e Wahi V o taua Ture ki te kore i whakamanaia e tetahi Ota Kaunihera kia whakahaerea taua mana mo te taha ki taua whenua.

A notemea e tika ana kia whakamanaia te Kooti kia whakahaere i tona mana mo te taha ki nga whenua e whakaaturia nei e te Kupu Apiti ki tenei.

Na reira, a His Excellency te Kawana o te Tominiona o Niu Tireni, i runga i te tohutohu me te whakaae a te Kaunihera Whiriwhiri o taua Tominiona, tenei ka whakamana i taua Kooti kia whakahaere, mo te taha ki aua whenua, i te mana kua whakawhiwhia nei i runga i nga huarahi kua kiia ake nei—ara ki te whakatau mehemea ranei kaore ranei aua whenua, etahi wahi ranei o aua whenua, i te wa i whakataua ai nga take patatupu ki aua whenua, i whakaarohia e te Kooti Whenua Maori, e te tangata e nga tangata ranei i whakaingotia hei tangata mo ratou aua whenua, me pupuri aua whenua e taua tangata e aua tangata ranei i whakaingotia ra hei whenua tiaki mo etahi atu tangata kaore i huaina i roto i nga taitara; a ki te whakatau (mehemea ia he pera) ko wai ma nga tangata e tika ana mo ratou nga painga o aua whenua, a kia hia nga hea mo ia o aua tangata katoa e tika ana ki aua whenua; a ki te whakaputa ota kia whakaurua aua tangata ki roto ki te taitara, ara ko ratou tahi ranei ko nga tangata i whakaingotia ra, ko ratou anake ranei e wha-

kauru hei whakakapi mo nga tangata i whakaingotia ra; a mehemea e tika ana e pai ana ranei, me wohewehe aua whenua ki nga tangata i kitea e tika ana ki aua whenua; a mo runga i aua tikanga kua kiia ake nei me ahei ki te whakaputa ota hei whakakore atu hei whakatikatika ranei i nga pukapuka taitara, a ki te whakaputa pukapuka taitara hou e kitea ana e tika ana, ara i runga i nga aronga katoa ki te whakahaere mo te taha ki aua whenua i nga mana katoa kua whakawhiwhia ki te Kooti Whenua Maori e Wahi V o te Ture Whenua Maori, 1909.

A tenei ka panuitia i mahia tenei Ota Kaunihera i raro i nga tikanga mo taua mahi kei roto i te Ture Whenua Maori, 1909, a me whai mana ano he whakaaetanga na te Kawana i roto i tona Kaunihera ki nga whakahaerenga kua whakamanaia e tenei.

KUPU APITI.

Te Ingoa o te Poraka.	Nga Eka.	Takiwa Porowini.
Nga Rota 261, 262, 263, 264, me 265, Taone o Richmond	E. R. P. 1 0 0	Akarana.
Rota 271, Taone o Richmond	0 1 0	Akarana.
Nga Rota 272, 274, 275, 276, 277, 278, 279, 280, 281, 282, 283, me 284, Taone o Richmond	3 0 0	Akarana.
Rota 290, Taone o Richmond	1 0 0	Akarana.

J. F. ANDREWS,  
Karaka o te Kaunihera Whiriwhiri.